

U skladu sa članom 15. stav 2. Zakona o principima lokalne samouprave u Federaciji Bosne i Hercegovine (Službene novine FBiH, br. 49/06 i 51/09), a na osnovu člana 24. Zakona o budžetima FBiH ("Službene novine Federacije BiH", broj: 102/13, 9/14 – ispr., 13/14, 8/15, 91/15, 102/15, 104/16, 5/18, 11/19, 99/19, 25a/22), člana 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22) i člana 38. Statuta Općine Sanski Most ("Službene glasnik Općine Sanski Most", broj: 04/08, 05/08, 2/10 i 9/11), Općinski načelnik donosi:

PRAVILNIK O VRSTAMA VLASTITIH JAVNIH PRIHODA OPĆINE SANSKI MOST

I OPĆE ODREDBE

Član 1. (Predmet pravilnika)

Pravilnikom o vrstama vlastitih javnih prihoda Općine Sanski Most (u daljem tekstu: Pravilnik) utvrđuju se vrste vlastitih javnih prihoda koje ostvaruje Općina Sanski Most iz čl. 5. i 6. Pravilnika o vrstama javnih prihoda u Federaciji BiH, definisane u skladu sa kriterijima propisanim članom 4. Pravilnika o vrstama javnih prihoda u Federaciji BiH, pravnu osnovu ostvarivanja, te namjenu i način trošenja vlastitih javnih prihoda.

Član 2. (Subjekt primjene)

(1) Odredbe ovog Pravilnika odnose se na Općinu Sanski Most kao jedinicu lokalne samouprave.

(2) U skladu sa stavom (1) ovog člana, vrste vlastitih javnih prihoda Općine Sanski Most utvrđene su za Općinu Sanski Most kao jedinstvenog budžetskog korisnika.

II KRITERIJI ZA UTVRĐIVANJE I VRSTE VLASTITIH JAVNIH PRIHODA OPĆINE SANSKI MOST

Član 3. (Kriteriji)

(1) Kriteriji za utvrđivanje vlastitih javnih prihoda, u skladu sa članom 4. Pravilnika o vrstama javnih prihoda u Federaciji BiH, su da:

- prihod ne spada u kategoriju poreza, doprinosa, naknada, taksi i kazni,
- prihod nije kao javni prihod propisan posebnom odredbom u zakonu,
- prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Općine.

(2) Kriteriji iz stava (1) ovog člana primjenjuju se na kumulativnoj osnovi za utvrđivanje vlastitih javnih prihoda organa uprave.

(3) Pod vlastitim javnim приходima ne podrazumijevaju se oni prihodi koje Općina ostvari obavljajući osnovnu djelatnost propisanu zakonima ili drugim propisima, za koju je propisima utvrđena visina naknade za usluge koje pruža pravnim i fizičkim licima, kao ni prihodi ostvareni u poslovanju između gradova, općina, ministarstava, javnih ustanova, javnih preduzeća kao i ustanova čiji je osnivač Općina.

Član 4. **(Vlastiti javni prihodi od iznajmljivanja)**

(1) Vlastiti javni prihodi Općine Sanski Most od iznajmljivanja, koji zadovoljavaju kriterije iz člana 3. Pravilnika, a u skladu su sa članom 5. Pravilnika o vrstama javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	721121	Prihodi od iznajmljivanja poljoprivrednog zemljišta
2.	721122	Prihodi od iznajmljivanja poslovnih prostora i ostale materijalne imovine

(2) Pravni osnov ostvarivanja vlastitih javnih prihoda iz stava (1) ovog člana su ugovori sa zakupoprimcima u skladu sa općinskim odlukama.

Član 5. **(Vlastiti javni prihodi od prodaje proizvoda, roba i usluga)**

(1) Vlastiti javni prihodi Sanski Most koji se ostvaruju prodajom proizvoda, roba i usluga koji zadovoljavaju kriterije iz člana 3. Pravilnika, a u skladu su sa članom 6. Pravilnika o vrstama javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	721239	Ostali prihodi od imovine – naknada za ekspropirano zemljište vlasnicima zemljišta čija je adresa nepoznata
2.	721239	Ostali prihodi od imovine

(2) Pravni osnov ostvarivanja vlastitih javnih prihoda iz stava (1) ovog člana su potpisani ugovori.

III PLAĆANJE, NAMJENA, UPRAVLJANJE I RASPOLAGANJE VLASTITIM JAVNIM PRIHODIMA

Član 6.

(Planiranje i namjena vlastitih javnih prihoda)

(1) Planiranje, upravljanje i raspolaganje vlastitim javnim приходima, kao i nadzor nad istim vrši se u skladu sa Zakonom o Budžetima u Federaciji BiH, Računovodstvenim politikama Općine Sanski Most i drugim internim aktima.

(2) Vlastiti javni prihodi Općine Sanski Most i rashodi koji će se pokriti iz tih prihoda planiraju se u budžetu Općine Sanski Most.

(3) Vlastiti javnih prihodi iz čl. 4. i 5. Ovog Pravilnika, raspoređuju se prema fondovskoj klasifikaciji vlastitih javnih prihoda i budžetskih izdataka (izvorima sredstava) koja se utvrđuje u godišnjem budžetu Općine i služe za pokriće izdataka (rashoda) nastalih obavljanjem poslova iz kojih proizilaze ti prihodi i drugih tekućih izdataka, a ostatak se raspoređuje na kapitalne izdatke.

Član 7.

(Raspolaganje vlastitim javnim приходima)

(1) Vlastitim javnim приходima Općine Sanski Most raspolaže Općina Sanski Most u skladu sa Registrom budžetskih korisnika, koji se utvrđuje godišnje.

Član 8.

(Način uplate vlastitih prihoda)

(1) Vlastiti javni prihodi Općine Sanski Most uplaćuju se na Depozitni račun Općine Sanski Most u skladu sa Pravilnikom o načinu uplate, pripadnosti i raspodjele javnih prihoda u Federaciji Bosne i Hercegovine.

Član 9.

(Evidentiranje i praćenje naplate vlastitih prihoda)

(1) Evidentiranje i praćenje naplate vlastitih javnih prihoda vrši se u skladu sa Računovodstvenim politikama Općine Sanski Most.

(2) Služba za finansije je dužna da svaki mjesec dostavlja analitičke kartice nadležnim službama.

(3) Nadležne službe Općine Sanski Most odgovorne su za poduzimanje svih mjera za blagovremenu naplatu vlastitih javnih prihoda.

IV PRELAZNE I ZAVRŠNE ODREDBE

Član 10. (Primjena propisa višeg reda)

(1) Na pitanja koja nisu uređena ovim Pravilnikom primjenjivat će se odredbe Pravilnika o vrstama vlastitih javnih prihoda u Federaciji BiH i Pravilnika o načinu uplate, pripadnosti i raspodjele javnih prihoda u Federaciji Bosne i Hercegovine.

Član 11. (Stupanje na snagu)

(1) Ovaj Pravilnik stupa na snagu danom donošenja i bit će objavljen u „Službenom glasniku Općine Sanski Most“.

Broj: 04-11-1320/23

Datum: 30.03.2023.



OPĆINSKI NAČELNIK


Faris Hasanbegović, prof.

OBRAZLOŽENJE

I PRAVNI OSNOV

Pravni osnov za donošenje Pravilnika o vrstama vlastitih javnih prihoda Općine Sanski Most sadržan je u:

- članom 15. stav 2. Zakona o principima lokalne samouprave u Federaciji Bosne i Hercegovine (Službene novine FBiH, br. 49/06 i 51/09) kojima su propisane nadležnosti općinskog načelnika za donošenje akata;
- člana 24. Zakona o budžetima FBiH ("Službene novine Federacije BiH", broj: 102/13, 9/14 – ispr., 13/14, 8/15, 91/15, 102/15, 104/16, 5/18, 11/19, 99/19, 25a/22), kojim je propisano da federalni ministar finansija pravilnikom propisuje vrste javnih prihoda, način, rokove i uslove raspodjele, kao i kriterije za utvrđivanje vlastitih javnih prihoda;
- člana 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22) kojim je propisano da su jedinice lokalne samouprave dužne u roku od 90 dana od dana stupanja na snagu ovog pravilnika, donijeti poseban akt o pojedinačnim prihodima iz čl. 5. i 6. ovog pravilnika koje ostvaruju i koji zadovoljavaju kriterije iz člana 4. ovog pravilnika na način da svaki subjekat u svom aktu taksativno popiše vrste vlastitih javnih prihoda iz čl. 5. i 6. ovog pravilnika koje ostvaruje, pravni osnov ostvarivanja, te namjenu i način trošenja vlastitih javnih prihoda.
- člana 38. Statuta Općine Sanski Most („Službeni glasnik Općine Sanski Most“, broj: 04/08, 05/08, 2/10 i 9/11) kojim je propisana da Općinski načelnik donosi odluke i druge akte iz svoje nadležnosti.

II RAZLOZI DONOŠENJA

U cilju realizacije zakonske obaveze propisane članom 9. Pravilnika o vrstama vlastitih javnih prihoda u Federaciji BiH („Službene novine FBiH“ broj: 104/22), pristupilo se donošenju Pravilnika o vlastitim javnim prihodima Općine Sanski Most.

III OBRAZLOŽENJE PREDLOŽENIH RJEŠENJA

- članom 1. Pravilnika propisuje se predmet Pravilnika;
- članom 2. Pravilnika definiše se subjekt primjene;
- članom 3. Pravilnika definišu se kriteriji određeni članom 4. Pravilnika o vrstama javnih prihoda u Federaciji BiH;
- članom 4. Pravilnika popisuju se vlastiti javni prihoda od iznajmljivanja i pravni osnov njihovog ostvarivanja, u skladu sa članom 5. Pravilnika o vrstama javnih prihoda u Federaciji BiH;
- članom 5. Pravilnika popisuju se vlastiti javni prihodi od prodaje proizvoda, roba i usluga i pravni osnov njihovog ostvarivanja, u skladu sa članom 6. Pravilnika o vrstama javnih prihoda u Federaciji BiH;
- članom 6. Pravilnika definisano je planiranje i namjena vlastitih javnih prihoda);
- članom 7. Pravilnika definisano je raspolaganje vlastitim javnim prihodima;
- članom 8. Pravilnika definisan je način uplate vlastitih javnih prihoda;
- članom 9. Pravilnika definisano je evidentiranje i praćenje naplate vlastitih javnih prihoda;
- članom 10. Pravilnika definisana je primjena propisa višeg reda
- članom 11. Pravilnika definiše se stupanje na snagu.

IV FINANSIJSKA SREDSTVA

Za realizaciju ovog Pravilnika nisu potrebna finansijska sredstva.